

Majirani, Marafiki na Jamii

Njia ya Kuongea na Wanaume Watesaji

Je, una wasiwasi kuhusu mtu ambaye unahisi anamtesa mshiriki wake, lakini hujui la kufanya? Hii kipeperushi (brosha) inaelezea njia ya kutambua dalili za kuteswa na njia unazoweza kutumia unapooonea na mwanaume mtesaji kuhusu tabia yake.

Majirani, Marafiki na Jamii ni kampeni ya kufahamisha watu kuhusu dalili za kuteswa kwa wanawake ili watu walio karibu na mwanamke ambaye ana hatari ya kuteswa au mwanamume anaye mtesa mkewe, waweze kusaidia

Kila mmoja katika jumii ana wajibu wa kutoa usaidizi ili kuangamiza kuteswa kwa wanawake. Unaweza kuafikiana na mashirika ya kijamii yanayohudumia wanawake wanaoteswa au wanaume watesaji yaliyo karibu nawe ili usaidie.

Hii kampeni ni ushirikiano kati ya serikali ya Ontario, Shirika la Mwongozo wa Wanawake la Ontario na Mabingwa Wanaojadiliana kuhusu Majirani, Marafiki na Jamii, kupitia kwa Kituo cha Utafiti na Elimu Kuhusu kuteswa kwa Wanawake na Watoto.

Dalili za Utesaji

Huenda unashuku kuwa jirani, rafiki au jamaa yako anateswa lakini hujui la kufanya au la kusema. Labda unahofia ya kuwa utafanya hali hii kuwa mbaya zaidi. Kwa kuelewa dalili onyo za kuteswa kwa wanawake, unaweza kutoa usaidizi.

Ukitambua dalili zifuatazo, ni vizuri uamue kuchukua hatua:

Mwanaume anamdharau mkewe
Mwanaume huongea bila kumpa mkewe nafasi wala na wakati wa maongezi
Mwanaume anamlinda au kumtafuta mkewe kila wakati hata akiwa kazini.
Mwanaume anajipendekeza kuwa mhanga na ya kuwa ana huzuni mwingi
Mwanaume anajaribu kuwatenganisha wewe na mkewe
Mwanaume anamtenda mke kama mali yake
Mwanaume hudanganya ili aonekane kuwa yeye ni mzuri au hujikuza na kujionyesha kama mwenye tabia nzuri
Mwanaume anajifanya kuwa wa muhimu zaidi na wa thamani kuliko wote nyumbani kwake

Mwanamke anaitetea tabia ya mmewe au anakuwa mgomvi na kukasirika
Mwanamke anaogopa kuongea mmewe akiwepo
Mwanamke ni anonekana kuwa mgonjwa mara nyingi na anakosa kwenda kazini
Mwanamke anaficha majeraha yake
Mwanamke anatoa visingizio kuhusu kwa nini hamuwezi kukutana ama anakuepuka barabarani
Mwanamke ana huzuni, upweke, amejitenga na anauoga
Mwanamke anatumia madawa ya kulevya au ana kunywa pombe kama njia ya kuvumilia

Dalili za Hatari

Hatari ni kubwa kama:

Mwanaume anaweza kumfikia mke na watoto virahisi
Mwanaume anaweza kupata silaha kwa urahisi
Mwanaume ana tabiya (historia) ya kutesa mkewe na wengine
Mwanaume ametishia kumuumiza au kumuua mke kama akimuacha: Anasema “Kama hutakuwa wangu, hutakuwa wa mwingine.”
Mwanaume anatishia kuwadhuru watoto, wanyama wa nyumbani au kuharibu mali ya mkewe
Mwanaume ametisha kujua
Mwanaume amempiga au amejaribu kumnyonga mke
Mambo muhimu maishani mwa **mme** yanabadilika (kama vile kazi yake, kuachana na mkewe, kuwa na huzuni)
Mwanaume anaamini ya kuwa mkewe amepata mwanaume mwingine

Mwanamke ameacha au anaamua kumuacha mme
Mwanamke anahofia maisha yake na usalama wa watoto wake **ama** haoni hatari aliyomo
Mwanamke anawapigania watoto wake kotini au ana watoto kutoka kwa uhusiano mwingine
Mwanamke ana uhusiano na mwingine

Mwanaume anamlaumu mke kwa kumharibia maisha
Mwanaume hatafuti usaidizi
Mwanaume anamlinda mkewe na kumsikiza anapozungumza kwa simu, anasoma imeli na barua zake na anamfuata kila aendapo.
Mwanaume ana shida ya kuwa na kazi
Mwanaume anatumia madawa ya kulevya na anakunywa pombe kila siku
Mwanaume haeshimu sheria

Mwanamke na majeraha yasiyoelezeka
Mwanamke hana njia ya kupata simu
Mwanamke ana vikwazo ama shida zingine (kama vile kutofahamu kiingereza, si raia wa Canada, anaishi mashambani)
Mwanamke hana marafiki wala jamaa

Takwimu inaonyesha kuwa wanawake wa chini ya miaka 25, vilema, wa Kiaborigino na wamawake wanaoishi kimada wako katika hatari kubwa ya kuteswa. (Takwimu ya Canada: (Mateso) kwa Familia nchini Canada. Maelezo ya Takwimu 2005)

(Ingawaje mara nyingi mateso ni baina ya mme na mke, pia huwezekana kutokea kati ya uhusiano baina ya mabasha na pia uhusiano baina ya wasagaji.)



Njia ya Kuongea na Wanaume Watesaji

Wakati mwingine, watu ambao wamemzoea mwanaume mtesaji hawasemi lolote kuhusu tabia zake bali wanajihusisha na kumsaidia mwanamke anayeteswa. Wakati mwingine pia, watu wanaweza kumhurumia mtesaji na hivi basi kumfanya aendelee na utesaji wake. Kumwongeleza mwanaume mtesaji ni njia muhimu ya kuzuia kuteswa kwa wanawake, lakini kunahitaji kufanywa kwa njia angalifu. Tabia za kutesa hazawezi kuondoka bila usaidizi. Kuna hudama za kumsaidia mtesaji katika jamii anapoishi yake.

Haya ni mambo unaweza kufanya unapotambua dalili za utesaji:

- Chagua wakati na mahali pazuri ili muweze kuongea kikamilifu.
- Mwendee mwanaume akiwa mtulivu
- Mweleze waziwazi kuhusu kile ambacho umeona
- Mwambia ya kwamba tabia zake ni wajibu wake. Usimpatie maoni ya kumhukumu kibinafsi. Wala usimkubalie kuwalaumu wengine kwa makosa yake
- Mwelezee ya kwamba anahitaji kuacha tabia zake.
- Usijaribu kumlazimisha kubadilisha tabia zake au kutafuta usaidizi

- Mwambie ya kwamba unahofia usalama wa mke na wa watoto.
- Usibishane na mwanaume kuhusu tabia zake za kutesa. Fahamu ya kwamba kukabiliana na kubishana na mtesaji huenda kukahatarisha zaidi hali ya yule anayeteswa
- Ita polisi iwapo usalama wa mwanamke uko hatarini.

Mwanaume akikataa kuwa anatesa:

- Wanaume ambao kawaida wanatesa wengine watapunguzia uzito wa makosa yao na wakatae kuwa wanayoyatenda ni mabaya. Wanaweza kusema kuwa mambo si mabaya vile au wamlaumu mwathiriwa kwa matendo yao. Tabia kama hii inageuza majukumu yao.
- Kwenye mazungumzo yako, sisitizia usalama wa familia yake na rudia tena kuwa mateso si jibu ya shida zao.
- Hakikisha kuwa kuna kuwasiliana kwa sawa na tafuta njia za kumsaidia kupata usaidizi.

Jiweke salama wakati wote. Usijiingize kati ya vita. Wapigie polisi simu iwapo kuna hatari kubwa

Kutoa Msaada bila Kusita

Hii ni mifano ya mashaka ambayo utakuwa nayo iwapo unafikiri kusaidia:

Hoja ya Kuwaza	Hoja ya Kufikiria
Unahisi kuwa hayakuhusu	Huenda ikawa ni hali ya kufa na kuona. Vurugu inahusisha kila mtu
Hujui la kusema	Itakuwa ni vizuri kusema ya kuwa unajali
Unaweza kuharibu mambo zaidi	Mambo huenda yakawa mabaya zaidi iwapo hutafanya chochote
Mambo si mabaya sana yakuweza kuwahusisha polisi	Polisi wana mafunzo na njia za kutoa huduma
Unaogopa kuwa udhalimu wake utakugeukia wewe au jamaa zako	Muongeleshee mwanamke peke yake. Wajulishe polisi kama ukitishwa

Hoja ya Kuwaza	Hoja ya Kufikiria
Unadhani kuwa mwanamke hataki kuondoka kwa sababu anashinda akirudi	Huenda mwanamke hana usaidizi anaouhitaji
Unaogopa kuwa atakukasirikia	Labda, unadhani mwanamke atajua kuwa unajali
Unahisia kuwa washiriki ni marafiki zako	Rafiki mmoja anateswa na hali anaishi kwa uoga
Unaamini kwamba mwanamke angetaka usaidizi angeutafuta	Mwanamke anaweza kuwa na uoga mwingi na anaibika kuomba msaada
Unadhani ni jambo la kibinafsi	Si wakati mtu anapoumizwa

Habari

Nambari inayotoa msaada kwa Wanawake Wanaoteswa inaitwa Femaide: **1-877-336-2433** hutoa huduma ya simu kwa masaa 24 na pia nambari TTY **1-866- 860-7082** ya huduma kwa wanawake wa Ontario wanaoteswa na viziwi. Huduma inayotolewa ni ya kisiri kutoka kwa watu wasiojulikana.

Watoaji huduma kwa nambari hii ya simu watakuuelekezea njia ya kuwasaidia wanawake wanaoteswa au wanaume wanaotesana. Watakuuelezea juu ya dalili za kuteswa ambazo utakuwa umeziona na watakupatia ushauri na njia za kukuwezesha kutoa usaidizi.

Kwa habari zaidi kuhusu huduma za Nambari Saidizi ya Wanawake Wanao teswa, nenda: **www.briserlesilence.ca** Kukiwa na hali ya dharura, pigia polisi simu.

*Watu wengi wa Ontario wanahisia kuwa ni wajibu wao kibinafsi kupunguza kuteswa kwa wanawake. Wanazingatia umuhimu wa dalili za kuteswa. Kwa habari zaidi, angalia: **www.voisinsamisettamilles.on.ca***

Mwezi wa tatu 2009

Inatapatikana kwa Kifaransa na lugha zingine

Imefadhiliwa na Serikali ya Ontario